



831013

啟禎兩朝剝復錄卷中

天啟五年 乙丑

十二月

太常寺少卿陳伯友大理寺丞蕭毅中俱削奪

以張樞參之也

南京兵部侍郎郝名臣太僕寺少卿羅汝元

荆駝逸兒

錄中

俱削奪

以陳世倭參之也

戶部侍郎董應舉兵部侍郎文球俱閒住

以徐揚先參之也

原任左給事等官方有度馮夢禎韓萬象俱

削奪

以王業浩參之也

原任大理寺少卿韋藩吏部郎中劉進諫員



外孫必顯俱削奪

以陳睿謨叅之也

原任太僕寺少卿金世俊江西按察使米萬
鍾山西參議王繼謨俱削奪世俊仍撫按提

問

以倪文煥叅之也

原任太僕寺卿歐陽調律四川參議翟學程
俱削奪原任禮部侍郎公鼐閒任

荆駝逸史

劉復錄中

一一一

以葉有聲叅之也○有聲至崇禎時爲大
理卿可稱漏網

原任工部尙書沈儆炳禮部寺郎周炳謨俱
閒任

大理寺丞張廷拱削奪

以石三畏叅之也

太僕寺卿倪應春削奪

以何可及叅之也奉旨與左光斗呼吸相

通唯趙南星指揮是聽

原任戶部侍郎董應舉大理寺卿曹珍兵科給事中李過知俱劄奪其東林黨人着九卿科道查確集議刊刻書榜示海內

盧承欽之疏也承欽旋客死時以爲天道云

工部員外吳昌期劄奪

以毛一鷺參其與吳懷賢私書往來譏訕

荆駝逸史

劉復錄中

三一

朝政也

戶部主事李柱明着鎮撫可究問

以魏忠賢誣其盜米也柱明爲惠世揚門生世揚逮入枉明差人問訊故以事陷之原任吏部尙書趙南星遣戍

野臣曰舊制老疾納贖魏廣微恨南

星不允嗟乎白髮老臣荷戈天末後

今上御極復爲牟志夔措捺恩詔卒

死戊所天下悲之

大理寺少卿吳之皞御史舒榮都鄭宗周工部員外何顯宗俱削奪

以潘士聞叅之也

原任御史等官方大任方學周汪應高王宏誥俱削奪大任仍令撫按提問

以王珙叅之也大任後與楊維垣密而疏諛王永光人皆笑之

荆馳逸史

劉復錄中

四

應天府尹談自省給事中賴良佐主事張篤敬俱削奪

以劉宏光叅之也

御史練國事李元王祚昌霍鏃楊新期俱削奪

以趙興邦叅之也興邦切齒於練故起任

卽劾之○內有言薦楊漣左光斗諸小人

參黃克纘范濟世諸君子等語贖之令人

口頰爲汚

南京戶部尙書周希聖御史趙延慶叅議蔣允儀俱削奪

以蘇兆先叅之也

原任尙書趙秉忠副使劉芳削奪

以邱兆麟叅之也兆麟疏并追論楊左而快心於死

御史吳裕中廷杖削奪

荆駝逸史

劉復錄中

五

裕中疏劾輔臣丁紹軾有旨謂其爲熊廷弼報復杖一百革職裕中竟以杖而死

吏部覆丁紹軾題堪任經畧邊撫邊道職方各官報可

堪任經畧者爲王在晉張鶴鳴王之臣王之采闇鳴泰堪任兵部侍郎者爲靳于中郭尙友張樸岳和聲申用懋蔡復一堪任遼撫者爲王宏祖李栖鳳袁崇煥石維屏

堪用邊道者爲邱志克楊邦憲祁承燦陳
陸韓元善胡平表

工科給事中元詩教薦徐紹吉韓浚趙士諤
杜承式祝耀祖張維任報可

疏稱紹吉浚士諤係丁巳管察受小人之
害者承式擢祖維任係癸亥管察受小人
之害者

野臣曰丁巳癸亥二察小人之反覆

荆駢逸史

劉復錄中

六一

極矣而疏稱受小人之害元韓之惡
爲世指名豈偶也哉

御史曹谷薦洪敬初聶心湯報可

心湯查李三才盜皇木者

御史石三畏薦范濟世徐景濂楊維垣賈繼

春報可

以王紹徽爲吏部尙書

陪紹徽者王永光周應秋李起元也

御史陳以瑞薦蔡獻臣齊琦報可

以李嵩爲登萊巡撫

原推孫杰馮三元李春燧李嵩內旨用嵩
後建逆詞於蓬萊閣極其誦美云

以曹爾禎爲山西巡撫

陪爾禎者張維樞也

以王尊德爲廣西巡撫

陪尊德者霍維華也尊德夤緣曹欽程遂

荆駢逸史

剝復錄中

七

得節鉞

起左通政使邵輔忠

陪輔忠者徐景濂也輔忠曾求黔撫不得
益忿與正人爲難幾殺毛士龍以倖免

野臣曰劉志選誣巖中宮之疏輔忠

實愆愆焉此皆宜正市朝之誅者也

後逆案處分未盡其辜天下忿之

天啟六年

丙寅

正月

南京通政使魏應時閒在

以何廷樞叅之也

夏之令卒於獄

王之象等贓銀勒限速解

上傳與吏部都察院犯官王之象周宗建

張慎言熊明遇方大任等及故陶朗先楊

漣左光斗顧大章等家屬奉旨行彼處撫

荆駝逸史

劉復錄中

八

按追贓已久如何不見回報顯屬違玩還
着移文各省追勒限速解以助大工

作三朝要典

諭內閣朕惟君臣父子人道之大綱慈孝
忠敬古今之通義惟我皇祖神宗早建元
良式端國本父慈子孝原無間然而奸人
王之象瞿鳳翀何士晉魏光緒魏大中張
鵬雲等乃借挺擊以要首功皇考高宗皇

帝一月御天千秋稱聖因哀得病純孝彌張而奸人孫慎行薛文周張慎言周希聖沈惟炳等乃借紅丸以快私怨迨皇考賓天朕躬纘位父子承繼正統相傳而奸人楊漣左光斗惠世揚周朝瑞周嘉謨高攀龍等又借移宮以貪定策之勛而希非望之福將憑几之遺言委諸草莽以待封之宮眷視若寇讐臣子之分謂何敬忠之誼

荆駝逸史

剝復錄中

九

安在幸天廡朕畏仰承先志康妃皇妹恩禮有加而守正諸臣凡因三案被誣者次第賜環布列有位特允部院科道諸臣之疏將節次明旨并諸臣正論命史臣編輯成書頒行天下卽於新春開館纂修特命輔臣顧秉謙黃立極馮銓爲總裁官施鳳來孟紹虞曾楚卿楊景辰姜逢元爲副總裁官徐紹吉謝啟光余煌朱繼祚張翀華

琪芳吳孔嘉吳士元楊世芳爲纂修官凡
係公論一切訂存其羣黨邪說亦量行摘
錄後加史官斷案以昭是非之實務在早
完功成之日名曰三朝要典以仰慰皇祖
考在天之靈用副朕觀光揚烈之意○內
紹吉啟光非詞林而與纂修之列而繼祚
琪芳後官至九列蒙彈射而不去可耻甚
矣

荆駮逸史

剝復錄中

十一

野臣曰予觀要典之作蓋諸邪臣借
以脫其傾陷正人之罪而掩其擁戴
逆璫之私者也然而欲蓋彌彰其是
書之謂歟今板雖燬幸其書猶有藏
者嘗試虛心評覈則是非邪正較若
觀火竊謂逆黨之狼心毒手欲以顛
翻世界而實爲萬世名教干城也嗚

呼孫之獬之哭別如綸曹谷等之爭

誰知其適爲他人地哉

野臣又曰要典所立三案如挺擊紅丸二者以君父爲嘗試阿後宮縱弒逆殺忠良故廷元從哲諸人罪不容誅矣而王之衆孫慎行等所謂功在社稷大義日月而行者也予嘗論之神宗之急殺龐保劉成與太子之請無深求者是也非是則骨肉之間不

能歡然無間至於按罪而誅之引義固爭使亂臣賊子有所怵而不敢復萌幾倖之心以置國本於泰山磐石之安者此人臣之職也根株在內伏戎在旁豈得以不焚獄詞爲田叔過哉乃至以爲貪首功居奇貨執諸正論者傾之不遺餘力嗚呼慘矣專諸之禍不成然後女戎興毒藥發此孰

非風癩之說所遺哉李固不推案御
醫後世以爲失計君死誰手而反賜
金增秩然則引以趙盾許止之法則
將焉追彼相哉奈何以宗伯爲邪說
排忠擠良護梃擊之局於不變也若
夫移宮則稍異楊漣之爭深惠大義
賈繼春之疏亦不妨兩存迨逆闖借
以肆楊左之毒而賈亦自汨其初意

附其說者又加厲焉而梃擊紅丸以
是爲結局故三案者實一事而借三
案以殺人者實一意也本朝近三百
年其間大禮大獄爭者不一受禍者
亦不一要無如三案之酷其他是非
或俟久而論定三案則自定之故要
典者逆黨借以殺人之書實卽亂臣
自定之爰書以垂戒於天下者也孰

謂是書之作爲無補也哉

尙實司少卿范鳳翼姜習孔給事中孫紹統
傅梅吳鳴虞俱削奪

以曾應瑞參之也

御史姚祚端薦房壯麗錢策王繼曾過庭訓
郭允厚孫杰報可

以徐兆魁爲刑部尙書

陪兆魁者喬應甲也兆魁到任爲正月十

荆駢逸史

劉復錄中

十三

三日至二十日卽治惠世揚之獄招語盛
詆東林且責世揚二十五板

以周應秋爲左都御史

應秋有家人呂慶善烹飪每司魏良卿過
卽以烹蹄邀飯時號煨蹄總憲

以薛鳳翔爲工部右侍郎

陪鳳翔者郭尙友也

以陸卿榮爲浙江巡撫

陪卿榮者郭鞏也

以元詩教爲河南巡撫

詩教意氣橫恣爲呈秀所忌求僉院而以陪推中州點用蓋遠之耳

以李思誠爲禮部尙書

陪思誠者駱從字也從字後以南禮部

陪溫體仁得點用

以董可威爲工部尙書

荆駢逸史

劉復錄中

古

初推徐紹吉薛貞有旨大工緊急再推王在晉董可威徐大化房壯麗竟用可威

以馮嘉會爲協理戎政侍郎

初推閻鳴泰靳于中鳴泰留經畧用再推劉遵憲馮嘉會郭尙友徐如珂竟用嘉會

以畢自嚴爲南京戶部尙書

以范濟世爲南京兵部尙書

以陪杜士全得用

吏部題覆阮大鍼薦傅樾等報可

傅樾徐從治服闋起叙曹履吉督學別如
綸擬部候選馬人龍以副使起用阮自華
以知府起用李春燧以京堂留用謝陞需
次推擢

以張朴爲兵部侍郎總督宣大

以陪郭尙友得用

以房壯麗爲工部右侍郎

荆駢逸史

劉復錄中

五

陪壯麗者沈演也

以喬應甲爲南京都察院

陪應甲者薛貞也

以胡東漸爲操江僉都御史

以陪秦聚奎得用

以吳中偉順天巡撫

二月

尙寶司丞張鍵閒任

以顧宗孟參之也

原任太常寺少卿曾汝召浙江參政魏士前
原任編修給事中主事等官方逢年章允儒
郝土膏顧錫疇丁乾學熊奮渭李繼貞俱削
奪郝土膏仍令撫按提問追贓從重議罪
以徐復陽參之也

原任大理寺少卿惠世揚擬斬

時徐兆魁爲刑部尙書徐大化大理寺卿

荆駮逸史

劉復錄中

去

劉廷元都察院而會審則爲御史徐揚先
邱兆麟是以世揚竟處大辟

贈官鮑應鰲陳大綬削奪

以徐復揚參之也

御史張慎言遣戍原任御史周宗建侍讀繆
昌期俱中旨緹騎逮治

山西撫按柯景安伸問明張慎言遣戍具

奏奉旨張慎言黨私害正避差鑽差罪難

枚舉今以監守自盜永成姑依擬其周宗
建賍私該撫按久不回奏聽其逍遙無忌
成何法紀繆昌期已經削奪仍繡衣黃蓋
開館招賓更見縱肆卽着錦衣衛差的當
官旂將周宗建繆昌期扭解來京究問

原任巡撫應天周起元左都御史高攀龍吏
部員外周順昌御史李應昇黃尊素俱緹騎
逮治

荆駝逸史

劉復錄中

七

以李實叅之也○實不識字素與忠賢忤
時傳蜚語謂蘓人謀翻案順昌等旣對人
罵忠賢而尊素居湖上時實嘗投刺往謁
尊素拒不見會刑部侍郎沈演奏記魏璫
稱其事有跡璫差親信密訪者數四實司
房適在都聞之大懼遂代實具叅疏璫從
中下其事諸人一時俱逮疏卽不出寔手
而七臣駢戮寃動神人寔死有餘辜矣或

曰忠賢使人賺出印信空本李永貞代爲之○魏大中逮過蘇州順昌餞送之且以女許結婚忠賢聞而啣焉倪文煥叅之削職至是被逮吳門遂有擊殺緹騎之變忠賢聞之頗恐一鷺又奏殺五人以解璫忿一鷺之死於陰殛猶幸也

閻鳴泰以原官兼右僉都御史整飭薊鎮以顧秉謙薦之也顧璫疏惟鳴泰語極無將

荆駢逸史

劉復錄中

六

以王黠爲大同巡撫

原推郭增光爲正黠以陪得之

以郭允厚爲兵部左侍郎

原推謝啟光孫杰而內旨用允厚

吏部公舉邊才孫杰等報可

孫杰霍維華潘汝禎張捷秦聚奎曹思誠

郭增光曾汝召劉廷宣郭鞏孫元化姚宗

文邵輔忠劉廷元馮三元王繼曾徐景濂

張惟任項之彥董漢儒張鶴鳴何熊祥張
延登岳和聲徐必達張維樞馮師孔李棲
鳳耿如杞仙克謹洪承疇張允登岳駿聲
莊祖誨葛寅亮所舉多附逆者不然亦老
髦庸鄙惟師孔承疇人共許之

以謝啟光爲吏部左侍郎

原推薛貞朱一桂徐大化等而內旨用啟
光

判駝逸史

劉復錄中

十九

以來宗道爲南京禮部尙書

宗道小人之雄也逆璫旣敗之後宗道爲
內閣於附逆諸臣票旨猶云守正不阿爲
御史甯光先所糾

以張維樞爲陝西巡撫

陪維樞者楊邦憲也

以郭允厚爲兵部左侍郎李春燧爲兵部右
侍郎石三畏薦王之采王宏祖余大成報可

三畏親呼忠賢爲父曾於客筵點劉瑾醉
酒一劇璫啣之遂被褫然其時以附逆璫
而反爲璫怒者實有數人如曹欽程徐大
化徐兆魁徐紹吉喬應甲王紹徽馮銓沈
演元詩教趙興邦之類予多畧而不書懼
混其實也

以房壯麗爲吏部左侍郎

陪壯麗者范濟世郭尙友也

荆駢逸史

劉復錄中

三

以沈演爲刑部左侍郎

陪演者顧慥也演素與兄灌忤而灌與內
通演復借兄以媚璫遂得司寇後爲人所
發璫惡之罷去演曾翻刻三朝要典

以張鶴鳴爲南京工部尙書

鶴鳴曾與沈灌同結客光先以通客氏惜
無發其奸者

以王業浩掌河南道

原題王心一爲正竟用業浩以其曾參曹
于沐駿易應昌也

以孫杰爲工部左侍郎
以郭尙友陪得之

以徐大化爲工部右侍郎

陪大化者吳中偉也

三月

兵部主事陳祖范閒任

荆駐逸史

劉復錄中

三

以崔呈秀參之也

原任御史方震孺擬紋

時霍維華疏救之蓋欲借爲自文地也

南京戶部侍郎等區大倫魏說俱削奪

以何早參之也

原任吏部尙書張問達着捐資十萬助餉

以牟志夔參之也

禮部侍郎成基命閒任

基命與魏廣微不合故題纂修實錄因得
閒住

翰林院姜逢元閒住

逢元修要典曾闕筆而歎也

魏良卿封肅寧伯

以緝獲奸細武長春功也給與莊田鐵券
祿米一千一百石

以潘汝禎爲浙江巡撫

荆駝逸史

劉復錄中

三

陪汝禎者馮三元也六月汝禎疏請建逆
祠於杭州自此而各巡鎮皆有祠逆祠遍
天下則汝禎之風也

南兵科袁玉佩改比

以徐兆魁薦之也內併薦閩鳴泰時徐揚
先亦有疏薦之

以劉廷元爲左副都御史

初推姚宗文張至發再推劉廷元李精白

乃用延元

以王之采爲經畧閩鳴泰爲薊遼總督

二人不由會推以題塘報用之

以郭增光爲僉都御史巡撫河南

元詩教見怒於崔呈秀罷歸遂用增光

以倪思蕙爲南戶部侍郎

以劉詔爲僉都御史巡撫順天

璫喜容至莫詔郊迎至祠行五拜三叩頭

荆駮逸史

劉復錄中

三

禮稱九千歲時同詔呼者秦士文黃運泰也○遵化道耿如杞見璫容不拜詔立以事劾之逮問薛貞擬斬以問允之

以林宰爲南京戶部侍郎總督糧儲

四月

原任右僉都御史熊明遇鄧漢徐良彥通政黃龍光吏部郎中鄒維璉俱遣戍

御史劉大受王心一俱削奪

原任左都御史高攀龍自盡

緹綺未至攀龍拜表投池被難大臣以此
爲得體

南光祿寺卿史弼削奪

崔呈秀帶僉都御史銜

以田景新叅之也

五月

周順昌卒於獄

荆駝逸史

劉復錄中

五

繆昌期周宗建黃尊素皆相繼死先左光
斗諸臣之逮也尙有生出之望故獄訊卒
不置一辨順昌至知必死遂延叱許顯純
終死無屈詞繆昌期拷掠加櫻以楊漣二
十四罪疏爲繆屬草也

已故左都御史孫瑋追奪

以喬應甲叅之也

原任刑科給事中毛士龍遣戍原任吏部員

外夏嘉遇充徒不准納贖原任尙寶司卿姜志禮削奪

以毛一鷺打問毛士龍招由具奏得旨

原任尙寶司少卿韓繼思在籍調理

御史劉之鳳閒任

兵部尙書劉遵憲終養

遼東嶽州吳養春等送鎮撫司究問

此黃山一案蓋吳孔嘉陷之也逆璫欲借

荆駝逸史

劉復錄中

重

此網以殺三吳各士云

禮部尙書孟時芳回籍

太常寺卿陳宗契少卿周之綱閒任

揚州府知府顏容暄削奪

太監劉燦參之也

原任知府劉鐸提問

刑部尙書徐兆魁奏辨殿疏備陳李柱明

李承恩用賄求劉鐸方震孺居閒懇御史

溫國竒求寬已實不知而司官不爭致衛
役羣捨李承恩之家皆率屬不嚴之過宜
提問各役正罪奉旨徐兆魁縱容司官吏
書受賄賣法全不知愧而強辭飾辨溫國
竒執法臺臣反爲重犯求寬都着閒住劉
鐸犯罪得釋今又代人居間行賄明設騙
局着提來問罪方震孺追贓未完復增一
案罪上加罪其受賄司官俟鎮撫司問明

荆馳逸史

劉復錄中

美

具奏處分

以崔呈秀爲工部尙書

陪呈秀者薛鳳翔也

以施鳳來爲禮部左侍郎

陪鳳來者李康光也

六月

初一日御史黃尊素卒於獄

初二日御史李應昇繼卒

大學士馮銓間任

以陳朝輔參之也有旨這本說輔臣事跡
多端着回籍以俟公論之自定○初銓交
官萊撫與元詩教有舊故銓既相時起詩
教於田間六年李魯生李蕃既棄魏廣微
而歸其門思以元輔擁銓含趙徹昌論丁
紹軾魏忠賢杖殺吳裕中事遂已銓素與
呈秀等爲璫私撰內旨入閣後大有穢聲

荆駢逸史

劉復錄中

三七

於是霍維華孫杰徐揚先等以呈秀爲璫
最寵思推轂故卜因與盧承欽陳朝輔李
燦然王業浩劉徽龔萃肅等密謀令吳淳
夫先糾銓盧陳繼之銓去後恐王紹徽不
登啟事於是劉徽袁鯨糾紹徽而萃肅出
內外兼用一疏以堅之紹徽廉得其事於
辨疏伐其謀衆懼璫心變事遂寢自是而
魯生與孫霍分途矣

又六月

以謝啟光爲南京兵部右侍郎

以郭允厚爲兵部左侍郎李春燧爲添註左侍郎袁可立爲兵部右侍郎呂純如爲添註右侍郎

以朱一桂爲南京左都御史

以曹思誠爲刑部右侍郎

以陪吳中偉得之

荆驛逸史

劉復錄中

天

以李精白爲僉都御史巡撫山東

以陪姚宗文得之

以馮三元爲左僉都御史

初推霍維華張至發再推馮三元邱兆麟

乃用三元

以閔夢得爲兵部侍郎兼都察院右僉都御史總督偏沅

七月

原任御史方大任發配

翰林院庶吉士李建泰回籍

刑部司官翟師偃馮士築李升俱削奪

以其不深入劉鐸方震孺也

御史溫國奇冠帶閒任

以其爲劉鐸求寬也

以周應秋爲吏部尙書

應秋每朝候崔呈秀極足恭之態而事忠

荆駮逸史

劉復錄中

某

賢尤卑諂一日忠賢與語曰爾江南人如
何好粥應秋誤聽以爲竹也寄書其子將
園竹盡砍以爲魏上公不欲江南人好竹
耳及忠賢敗應秋捧其足而泣曰兒子如
何過天下傳而笑之

先是逆璫陷害正人率摠叅疏行之應秋
爲冢宰善逢其意有不悅者皆以推陞議
處於是衆正盡遭網羅蓋又一變局也

以馮嘉會爲兵部書僉

陪嘉會者王在晉也嘉會爲忠賢腹親故
得本兵

以薛貞爲刑部尙書

陪貞者靳于中也貞後以劉鐸事發擬辟
遷延一載不赴詔獄人無不切齒者

施鳳來李國樞張瑞圖俱入閣辦事

時枚卜者錢龍錫施鳳來李思誠張瑞圖

刑駢逸史

劉復錄中

三

駱從字李孫宸鄭以偉李國樞王應熊王
祚遠孟紹虞內用其三然錢與鄭係正人
何以同與覆甌之選豈館中論資雖逆黨
有不能盡廢者歟

野臣曰或謂逆璫時拜相者皆魏家
閣老其然豈其然乎然統計內閣稱
頌共二十八本而票擬諛旨贊導過

當者不可勝舉蓋自魏廣微倡先附

內倒授太阿而顧秉謙票擬厥臣與
皇上並稱黃立極求宗道等相率效
尤則律以無將之誅此輩安所逃哉
而施鳳來之撰詩文張瑞圖之書聯
扁直以文隸畜之又不足道也故士
大夫不幸而爲熹朝宰輔也然此時
之宰輔實誰爲之哉嗚呼謂之魏家
閣老豈誣也歟

荆駮逸史

劉復錄中

至

八月

戶部主事陸康稷張履端俱閒住

兵科給事中杜三策山西道御史侯恂禮部

主事徐應秋俱削奪

原任御史方震孺擬斬知府劉鐸擬斬決不
待時

薛貞覆奏爲之也仍責鐸二十五板鐸素

與魏良卿善得釋罪候補良卿偶密叩鐸

曰當日官旂之出公費幾何鐸曰三千金耳良卿戒旂校還之遂爲旂校所啣邇其在獄居間一事厥怒䟽參復逮會且要以鐸醮謝神祇家人有怨鐸者以詛咒報王體乾體乾欲借以結厥懽遂具䟽以聞尙書薛貞先爲工部侍郎以救火獻諛得擢因忠賢怒鐸等遂駁司官之議擬震孺加絞罪一等斬鐸詛咒重臣決不待時䟽入

荆駝逸史

劉復錄中

三

允之鐸與曾雲龍彭文炳劉福等卽日斬首西市方景陽死仍戮屍司官高默陳震豪徐日葵湯本沛俱以不遵堂批徇情賣法降三級調外

原任河南布政錢士晉遣戍

南工部侍郎盧大中致仕兵部侍郎武之望

回籍禮部侍郎錢龍錫巡撫福建朱欽相光

祿寺卿徐如珂通政倪思輝俱削奪

俱因推陞處之

廣東參政曹學佺削奪

以劉廷元叅之也廷元有三朝要典一疏
得旨皇考實錄已有旨改正宜卽擇日開
館舉行曹學佺私撰野史搖感人心本當
拏問姑從輕削了籍爲民其書板卽行彼
處撫按焚燬

行湖廣撫按提熊廷弼家屬變產追贖銀十

荆駢逸史

劉復錄中

三

七萬兩

以梁夢環參之也

巡撫廣東王政新閒任

以薦曹學佺也

周起元卒於獄

以魏應嘉爲兵部左侍郎

應嘉曾攻熊廷弼後復悔之

以郭鞏爲兵部右侍郎

鞏自給事中累陞至侍郎皆未到任乃從
來銓法所無者

刑科給事中蘇兆先薦李徵儀陳泰保報可
保泰按粵爲民所毆赤身奔竄憲體掃地
以朱童蒙爲延綏巡撫

賞其殺周起元周順昌之功也

以聶慎行爲南吏部司

九月

荆蹤逸史

劉復錄中

三

吳淳夫加陞京堂

以郭興治薦之也

以靳于中爲南京刑部尙書韓日纘爲南京
禮部侍郎

以呂圖南爲通政使

以王家禎爲戶部右侍郎

陪家禎者尹同臯也家禎後有頌璫疏

以林欽楫爲南京吏部左侍郎

欲楫後有頌璫疏

以李待問爲應天巡撫

待問狡猾璫敗猶耐彈云

以章光岳爲南太常寺少卿

時正陞者蔡獻臣也

以謝啟光爲南京兵部添註右侍郎毛一鷺
爲南京兵部侍郎

以李逢節爲南京工部左侍郎

荆駢逸史

劉復錄中

三

以曹思誠爲吏部左侍郎

以趙綏爲通政使楊紹震爲通政使

十月

諭廠衛都察院五城巡捕緝事衙門體訪奸
徒

諭內閣朕昔在青宮便聞皇祖年間有逆
犯皦生光者捏造妖書謀危宗社離間皇

祖誣害大臣朕深爲痛恨切齒自朕冲齡

踐祚之際值東林邪黨盈朝陷朕孝德不
光或棄祖宗封疆不顧幸荷上天默佑寶
璽呈祥屢朕憬然羣奸敗露其元惡大憝
雖伏芟除而協從宵壬不無漏網前已屢
屢持論開曉再三欲令易面革心咸與更
始不謂法紀凌替之後人心迷罔已深乃
尙有等未盡奸徒怙惡不悛密弄線索或
巧布流言蜚語或捏造匿名文書害正黨

荆駢逸史

劉復錄中

美

邪熒惑視聽 卿等可傳示厥 衛都察
院五城巡捕緝事衙門廣布軍番嚴加體
訪如有前項奸逆仍蹈前愆確有的據卽
先將正身拿住具奏細細嚴審必要窮究
到底根鞫造謀主使之人明正典刑以息
邪說昭朕一代平明之治○時忠賢將以
妖謗疑皇親張國紀及被斥諸臣而孫杰

邵輔忠密爲具袖珍小摺開具應剪諸臣

姓名欲令忠賢乘此殺張國紀危中宮復
因國紀興大獄殺林下諸臣此諭出遠近
無不寒慄矣

禮部侍郎彭凌霄在籍調理

工部郎中潘遠削奪

原任兵部侍郎何士晉太常寺少卿程註俱
撫按提問照原參數目追贓助工

謂其黨附熊廷弼也

此條係在潘遠削奪
之後因遺漏補此

荆楚逸史

劉復錄中

三

吏科右給事中沈惟炳削奪進士程良籌除
名

以梁夢環參之也良籌註之子

陝西叅政沈應時叅議周汝弼俱削奪

俱因推薦處之

徽州知府石萬程削奪保定知府祝萬齡聞

在

以李魯生參之也

肅寧侯魏良卿封寧國公予世券誥命

以姚昌籙爲吏部司官

與聶慎行皆以賄得也

以韓日纘爲吏部侍郎

以邵輔忠爲兵部尙書管右侍郎事

陪輔忠者霍維華也

以潘濬爲刑部左侍郎郭尙賓爲刑部右侍郎

荆駢逸史

劉復錄中

三

尙賓後廢王永光爲冢宰復起用王洽力爭之不能得

以張三杰爲甘肅巡撫

陪三杰者朱國盛也

以朱一馮爲福建巡撫

崔呈秀等以殿工告成加陞有差

郭興治陳王庭賈毓祥俱陞太僕寺少卿仍

管科道事

十一月

南京禮部郎中洪敷教閒任

工部主事王則古削奪

以其爲趙南星高攀龍死黨也

四川叅議張鵬雲削奪

監生汪贊化送刑部治罪

以汪若極參其作書譏刺魏忠賢也

主事韓于宣削奪

荆駝逸史

劉復錄中

三

于宣爌之子也

禮部侍郎等官唐大章劉洪訓劉鍾應俱削奪

以袁可立爲南京戶部尙書

陪可立者林宰也可立交結忠賢禮甚厚

以劉廷元爲南京兵部尙書

陪廷元者黃運泰也廷元說逆璫曰金陵

重地願往收其人心璫喜用之而北都則

崔呈秀爲本兵天下兵馬大權兩人一手握定忠賢擁戴之勢成矣

以閱洪學爲南京右都御史

陪洪學者商周祚也

以許其進爲山東吏部司官

其進以事復留署刺日新陞吏部司官州府推官事

以王應泰爲陝西吏部司官

荆駮逸史

剗復錄中

學

應泰以陪推得之後爲河南主考出題獻媚且試錄列璫銜人唾而罵之

十二月

原任御史房可壯知府楊嘉祥俱撫按提問以張汝懋參之也

雲南總督閔夢得貴州巡撫王瑛俱謁別衙門用

以李魯生參之也

江西布政真憲時削奪

因推巡撫處之

熊廷弼行撫按提家屬追贓百萬原任給事中毛士龍法司提問劉宏化撫按提問房可壯巡鹽御史提問樊尙燦削奪

以劉徽叅之也

原任侍郎王之宗提問孫慎行遣戍

武舉顧同寅孫文豸等俱着東廠究問

荆駝逸史

劉復錄中

呈

以門克新叅其作詩譏忠賢也

御史馬鳴世削奪劉其忠閒住

因題差處之

太僕寺少卿涂喬遷削奪

因推陞處之

吏部主事徐天衢削奪

因推陞處之

原任工部郎中萬燦行撫按提家屬追贓

以逆黨追恨之也

以楊邦憲爲江西巡撫

正推真憲時也憲時削奪故邦憲以陪得之江西時有三羊之號邦憲爲羊頭

以張鶴鳴爲貴州提督

陪鶴鳴者朱熨元史永安李棲鳳傳宗龍也

以范濟世爲南京戶部尙書

荆駝逸史

剝復錄中

聖

陪濟世者張也

以潘濬爲刑部左侍郎陳九疇爲刑部右侍郎

以謝存仁爲雲南巡撫

黃運泰加戶部尙書照舊管事

運泰見忠賢屈膝扶起以老黃呼之其建逆祠也奉迎喜容於郊五拜三叩頭乘馬

前導如巡撫劉詔之儀至祠所安置璫像

訖運泰列班丹墀率文武大吏五拜三叩
頭已至像前萬福口稱各某事某事蒙九
千歲扶植叩頭謝又某月某日蒙九千歲
升拔則又叩頭謝就班仍五拜三叩頭旁
觀者爲汗下浹踵運泰揚揚自得焉
以馮三元爲左副都御史

三元主邪盟而人無發之者

闔鳴泰加兵部尙書太子太保照舊管事邵

荆駢逸史

剝復錄中

聖

輔忠加兵部尙書管左侍郎事郭鞏陞添設
左侍郎

呂純如兵部右侍郎霍維華陞添註右侍郎
以許宗禮爲僉都御史

以吳淳夫爲戶部添註左侍郎

以吳應琦爲南京大理寺卿

以商周祚爲南京部尙書

以許可徵爲兵科都給事中

天啟七年 丁卯

正月

禮部尙書汪輝詹事蕭命官削奪

俱因會推處之

孫文豸顧同寅俱處決李道元等責一百棍
遣戍仍立枷

薛貞覆審也

大理寺少卿陳允叢知府汪康謠削奪

荆駝逸史

剝復錄中

一

俱因推陞處之

原任翰林院修撰文震孟除名永不叙用

先年刑部尙書王紀以攻客氏被放震孟
疏救亦遭斥至是逆璫復追憾之

原任巡撫甘肅李若星行本省撫按打一百

棍遣戍

先是有傳若星將起義兵清君側之惡者
璫極切齒故遭慘禍蓋欲斃之杖下也時

撫臣爲郭尙賓按臣爲鮑竒謨承望內旨
杖若星最爲楚毒

二月

原任知縣盧化鰲削奪擬徒永不叙用

以汪文言事株連之也

山西副使陞任江西參政胡士容緹騎逮治
士容強項得罪內旨以騷擾驛處之

陳以瑞削奪

荆駝逸史

剝復錄中

望

逆祠成以瑞謁拜匍伏及入佛殿長揖而
已忠賢聞而怒曰我豈大於佛耶未幾削
奪時以附逆被處者日亦不絕特書此
以爲小人之戒云

御史吳甦周邦基謝其舉梁元桂吏部郎中
張其實俱削奪

俱因例轉處之

以倫肇修爲大理寺少卿

陪肇修者陳允叢也

以李孫宸爲南京禮部右侍郎

以陪會楚卿得之楚卿以張鼐門生被處

以王志道爲南京通政司叅議

以陪王伉得之

以曹爾禎爲戶部侍郎

陪爾禎者李若珪也

以趙紱爲兵部右侍郎

荆駝逸史

剝復錄中

皇太冥

陪紱者詹爾達也紱送

王之國一路奉

璫旨爲謹

以潘濬爲南京刑部尙書

以陪王之采得之

以張維樞爲南京刑部侍郎

原椎胡東漸王璫王點而維樞得之

以呂圖南爲通政使

以陪詹爾達得之

以胡廷晏爲陝西巡撫

廷晏庸髦卒貽秦中盜賊之禍延於天下而陪廷晏者劉澤深也

以史永安爲三邊總督

陪永安者尹同臯也

以牟志夔爲山西巡撫

以陪詹爾達得之也志夔建祠稱於頌像前稱上公萬福行五拜三叩頭禮其媚內

荆疏逸史

劉復錄中

一

鎮臣備極醜態

以劉志選爲南京操江巡撫

以陪王一中得之也志選爲逆璫劾死力誣賊中宮大逆不道而爲操江時仗勢勒索古董玩好尤貪橫無忌

李若珪爲刑部左侍郎

以陪孫國禎得之也

以梁應澤爲鄖陽巡撫

陪應澤者俞誨也

三月

行人汪邦柱宋鳴梧閒任

俱因題差主考處之

吏部郎中蘇繼歐削奪

因推文選郎中處之初楊漣過中州時繼

歐曾邀飯後爲同邑孫織錦所恐嚇自縊

死

荆駢逸史

剝復錄中

兪

原任吏部郎中徐楠削奪

因推陞處之

原任吏部郎中龔世法削奪

因推陞處之

大理寺彭鵬化削奪副使等官賀仲軾胡敬

辰降調

以李桂芳參之也

以韓日纘爲南京禮部尙書

先推來宗道李康先楊景辰再推林欲楫
韓日纘而日纘得之

以潘汝禎爲南京兵部侍郎

以陪王點得之

以姚宗文爲湖廣巡撫

宗文素與熊廷弼有隙欲以治其黨也

以焦馨爲寧夏巡撫

先推白儲詔張捷再推耿好仁而馨得之

荆駝逸史

剝復錄中

五

四月

刑部員外晉承命降調

原任保定巡撫程正已擬徒

山西撫按曹爾禎劉宏化問擬正已徒配

具奏奉旨正已依擬發配着親身擺站地

方官不許徇情朦朧代替

河南副使楊廷槐削奪

以李明道叅之也

編修姜曰廣簡討胡尙英削奪右中允林鈺
聞在

俱因推陞處之

以王之臣爲兵部尙書

陪之臣者邵輔忠也

野臣曰之臣克邪異常爲璫腹心璫
敗逆案聞在人謂法不盡罪而王永
光爲冢宰時尙登啟事非皇上聖明

荆駢逸史

剝復錄中

五

則逆案以次翻矣

以許宗禮爲左副都御史

陪宗禮者孫國禎也

以張樸爲南京戶部尙書

陪以倪斯蕙得之

五月

主事晏清削奪

因推陞處之

南京通政吳崇禮致仕大理寺少卿倫肇修
削奪

俱因會推處之

吏部主事沈景初削奪

因推陞處之

原任御史王允成巡按提問

以李嵩爲南京戶部侍郎

以李夔龍爲左僉都御史

荆駢逸史

劉復錄中

五

因陪推得之

以張延登爲浙江巡撫

先推郭興治潘士聞再推楊維新馮時行
而延登得之陪延登者錢策杜詩汪起鳳
也

朱國盛加右副都御史

以漕運太監崔文昇薦之也

以田生芝爲南京通政

以陪曾陳易得之

以張曉爲宣大總督

先推張九德秦士文再推曉得之陪晚者

王點也

以孫國禎爲登萊巡撫

陪國禎者崔爾進也

起潘汝禎爲戶部左侍郎張義續爲戶部右

侍郎

荆駝逸史

剝復錄中

五

義續爲川湖總督貪淫非人類一婢爲魏

忠賢同姓因加於嫡妻之上進京八擡稱

魏太太而璫稱義續爲張姑爺云

以魏撫民爲尙寶卿

撫民逆雛也素爲丐子以忠賢廢得璽卿

然則冢臣周應秋之罪不容誅矣

璫謀害三吳諸君子欲用撫民爲應天巡

撫一日傳問尙寶卿可推開府否應秋唯

唯未幾璫敗不果用後下獄向各監翻筋
斗乞錢人指之曰此魏尙寶也可發一笑
以張翼明爲大同巡撫

六月

以陳具慶張士範爲應天主考

七月

崔呈秀奪情視事加陞兵部尙書仍兼左副
都御史吉服到任

荆疏逸史

劉復錄中

孟

以王之臣爲寧遠督師賜尙方劍

原推劉詔王應豸畢自嚴而內旨用之臣
以溫體仁爲吏部侍郎

野臣曰體仁與王永光始終護局永

光爲冢宰四年欲翻逆案者屢矣後
以事敗體仁以戊寅枚卜不與與周

延儒發錢謙益科場事得入閣爲首

輔數年盡與正人爲仇天下恨之

八月

郭士望自請起用

有旨士望爲東林陷害公論旣明卽與起用

叙捷功三殿告成功有差

東□圍錦州踰月圍解邊臣關臣報捷歸功忠賢於是吏部尙書周應秋等翰林院楊景辰等太常卿林宗載給事中吳宏業

荆駢逸史

劉復錄中

五

等御史安伸等南冢宰王在晉等俱頌厥臣功德或合詞或專奏揄揚鋪張懽呼舞蹈於是封王並封兩公之議興魏鵬翼以四歲封安平伯朝臣普加賞賚宮保斗量尙書都憲常僕車載而錦衣無坐處矣袁崇煥以賞薄請告允之時霍維華以已廢讓崇煥有旨切責維華仍發崇煥談款之悞蓋款實忠賢意使謝過崇煥耳殿工

叙功厥臣子弟一人封東安侯朝臣增級
賜金益濫於撓功蓋二功謝恩之日卽鼎
湖拔髯之日也且熹宗彌留者踰半月矣
不知此時之旨出於何人穢哉一時充庭
之人矣

野臣曰予觀天啟七年丁卯八月間
事豈非天哉豈非天哉時逆監據騎
虎之勢而諸臣懷左袒之心設不幸

如趙高之引璽登殿卽成敗不可知
而天下蓋多事矣乃真人不必有代
來之迎而太尉亦無入軍之擾聲色
不動去奸若脫此固極則必反要亦
非人力所私與者矣獨怪附逆諸臣
方蒙面而爲逆官旋比肩以事聖主
覩已至矣消猶不懼予於是不惟塵
幸繫之而亦感慨及之矣記是時曾

爲一詩云滿地冠裳共祝年
嵩呼猶幸未盈千
時稱九千歲若盈則萬矣
那知殿角曾三震
遂有龍飛自九潛
錫土羣兒徒自貴
蔽衣乞賜可能穿
劉瑾既禽求蔽衣遮體上賜衣百件時懼事變遂卽決之
眼前反覆誰先識
轂有朱丹亦可憐

荆駢逸史

剝復錄中

五

啟禎兩朝剝復錄卷上二終

